

# 天使想回家

相傳有一所神秘的流動圖書館隱藏於民間裏面都會有一位守護天使，因為天使是在天堂忘記自己的責任，收到天神懲罰貶下凡間，他的職責是提醒每一位借書者要有責任感，不要忘記歸還圖書。只要他履行了一百萬次的追收，他就能離開圖書館返回天堂。

今天守護天使「低低 D」將面對最後一次任務，一個由少寵愛有加，一出一入總有三人服侍兼患上特級公主病的獨生寶貝「高菲」，她給家人寵成一副愛理不理、錢來伸手、飯來開口的公主性格。高菲偶然底下在天神圖書館借了一本「少年 Yi 的飄流日記」，今天就是最後限期，守護天使「低低 D」接獲歷來最棘手的任務，他用盡千方百計提醒高菲，可惜最終發現菲忘卻書本遺失在哪裏。低低 D 迫於無奈現身，與飛展開一場別開生面的尋書旅程。

期間發現菲的性格皆從照顧她的爺爺嬷嬷所學習，菲能否藉今次旅程有所領悟呢？天使低低 D 能否完成任務重返天堂呢？劇中的其他人物將有「得過且過嬷嬷」、「求求其其爺爺」、「事不關己同學仔」、「理橫折曲愛美麗」、「諸事八卦莎利」，將會穿梭其中帶來無限笑聲，親情友情的抉擇，一切一切盡在「天使想回家」！

角色人物

- 1.高菲
- 2.圖書館管理員
- 3.天使低低 D
- 4.天使低低 B
- 5.嬷嬷
- 6.爺爺
- 7.愛美麗
8. Mary
- 9.花嬌嬌
- 10.莎利
- 11.猩猩
- 12.小紅帽
- 13.小飛俠

# 天使想回家

- 14. 小王子
- 15. 白雪公主
- 16. 老虎
- 17. 天神
- 18. 張同學
- 19. 方同學

# 天使想回家

序幕 回家天使

**S1 L1 開燈** (燈漸亮，看見一個衣著整齊的圖書館管理員，他正以機械式的動作不斷蓋着印，台上放置書枱及書架上放着圖書)

管：(揭開一疊厚重的檔案)九十九萬九千九百九十九次，咦？仲有一次咋喎！天使得得 D，你喺邊吖？(左右兩邊望，從另一邊懶洋洋的步入)天使低低 D，你喺邊吖？

D：我喺度！

管：唏？乜解救你行路無聲架？嚇到人咁個心到離一離？

D：天使不黠都係殊一聲出現，殊一聲唔見架啦！我殊咗喺度好耐！管理員先生請問你搵我咩事呢？

管：哼！講番正經嘢先，你知道你本身存在任務係乜？仲記得嘛？

D：就係天神派嚟提醒每位借書人還書嘅責任，只要我追回一百萬次欠還圖書就可以……。

管：就可以返回天堂，你仲記唔記得因乜事會被委派做追書人？

D：(興奮地)咁即係我仲爭幾多次先返得呢？

管：(舉起一隻手指)一次，吖，咪咁興奮住，因為呢次任務，並唔係普通嘅任務……。

D：有幾難吖？有一次有個路借咗書然後去廁所跟手跌咗本書落馬桶，個細路諗住賠錢了事，可惜我哋呢間並唔係普通嘅圖書館，我哋係一間印有「天」字嘍頭嘅圖書館。

(隨手拎起一本書)

管：我知你跟住每晚都喺個細路嘅夢度出現，令到個細路發惡夢，最後驚到走去污水渠度搵，最終搵番本書，雖然有啲臭，但總算還返本書。

D：係呢？而家本書喺邊呀？

管：你手囉！(指向 D，D 將書拋向管)等等，今次借書唔還嘅係……蝦蝦霸霸，食盡東南亞嘅

……。

D：高~菲~！**L2 熄燈**(燈暗，燈再亮，高菲從台另一邊入)

高：邊個叫我？**S2** (燈暗，音樂繼續，眾屋企人幫手換景)

# 天使想回家

## 第一場 嬌生慣養 籠中物

**L3 開燈** (台上一個家庭佈置，台左一張梳化，右邊一張餐檯，高站在台上姿勢與之前一樣。但嫲、爺、工人 Mary 圍着高)

高：邊個叫我？

嫲：乖孫，呢度好高，跌落黎撞親個腦就慘嘞！

高：點解？

嫲：你咁聰明，跌傻點算？

高：係嗰，真係好危險嗰！(正想下來)但係頭先邊個叫我？(再企起身)

嫲：喂，亞爺吖，過嚟幫手啦！

爺：乖孫，頭先都無人叫你！

高：有吖，我話有就有啦！(踏著枱發脾氣)

嫲：亞爺，你快啲諗辦法啦？

爺：吖……吖……Mary，你頭先叫小姐做乜？

M：我？爺爺，我有叫嗰！

爺：求其啦，我話有就有啦！

M：哦，係嘅爺爺！小姐，頭先……係我叫你架！

高：我都話有人叫我嫁啦！

嫲：咁你落返來先講啦。(高從枱上跳下)

高：吖！Mary，你叫我也事吖？

M：吖～吖，有封信吖，有封信俾你！(從身上拿出信)

高：(打開信)等我睇下，本圖書館特意致函給你，你借閱之圖書，已經過了限期，請盡快歸還圖書。圖書？我幾時借架？有咩？(此時得得 D“殊”一聲出現，高剛巧撕爛信件)我諗佢咁梗係搞錯咗。

嫲：乖孫你就咁撕爛封信點得架，實際你有冇借過本書吖？

高：我連本書叫乜名都唔記得，你仲問我有冇借過？ **L4 閃燈**

D：估唔到，真係咁棘手，連書名都唔記得？(D 在 Mary 身前一伸手仙法展開)

M：小姐吖，呢度寫住個書名叫「少年 Yi 的奇幻漂流」。(從台上拾起一張小如指頭的碎紙)

高：哦！(D 看高像記起來)乜我有借過本咁嘅書咩？點解我唔記得嘅？

爺：唔緊要啦，求其睇書架度拎本去還咪得囉。(一派當然的張開身上的報紙行近梳化坐下)

# 天使想回家

嫲：(拿起身穿的拖鞋一擲而飛同爺)你成世人都係咁求其其，乖孫，你唔好聽佢講，Mary 弊小姐搵下本書喺邊？

M：係嘅嫲嫲！(M 飛快地在梳化、枱等位置搜尋)

嫲：乖孫，唔緊要架，一定喺屋企架，搵下就有架勒！

M：嫲嫲，冇！

嫲：乜得你咁快架？你搵咗乖孫房未？

M：你剩係叫我搵，都冇叫我入小姐間房搵。

嫲：吖！你個 Mary 真係唔叫唔做，叫先至做架啎！

M：我而家即刻再搵過！(飛快入台，再出)

D：呢個乜嘢屋企嚟架，咁古怪架！

M：冇吖，嫲嫲！

高：點算吖，嫲嫲，今次死梗嘞！(發脾氣)

嫲：乖孫，唔好發脾氣先，亞爺，你快啲過嚟幫手啦！

爺：求其帶佢落街買份玩具，佢就冇事架嘞。(高立時停下)

嫲：咁都好，止咗佢啲脾氣先，本書唔遲都遲咗，唔爭果一日半日啦。

D：有冇搞錯吖？本書唔見咗，只係搵兩下，一個求其其，一個得過且過，一個唔叫唔做，最恐怖嘅係呢個恃寵生嬌嘅口妹，我一定要教訓下你先得。L5 閃燈 S3(預備教訓高之際，一聲雷響，管理員出，眾人停下)

管：低低 D，你係唔你唔記得你今次嘅任務呢？一次，你爭一次就能夠返天堂架嘞！屋企冇，咁你諗下會喺邊？

D：學校。

管：仲有提你天使係唔可以……。

D：隨便現身咁嘛！(管飛快離場，眾人皆不和發生何事)

嫲：好喇，乖孫，我哋而家同你落街買玩具。

高：好呀，多謝，嫲嫲！(正當二人離場之際，電話響起)S4 喂，邊個啊？(場外音入)

愛：高菲，係我呀！

高：愛美麗？搵我咩事呀？

愛：喂，你之前話睇完本書跟著借俾我架啎，咁你睇完未啊？

高：(細聲地)嫲嫲，原來我話過借本書俾同學，本書可能喺佢度。喂，愛美麗，本書我咪借咗俾你囉，你唔記得咩？

愛：係咩？唔係呢？邊有吖？上次你喺班房仲拎住，邊有借俾我吖？

高：係咩？我最後喺班房拎住咩？本書係喺你度架啦，你好快啲還返俾我吖？

# 天使想回家

愛：喂，你唔好亂講嗰？

高：唔好講咁多，不如三口六面講清楚佢！

愛：哼！高菲，你夠膽出嚟，我夠膽見你，學校大門見。

高：嫲嫲，我諗我應該係借咗本書俾同學仔。

嫲：咁就好囉，乖孫咁你要快啲追下個同學仔喇！

高：嫲嫲，我而家去搵同學仔還番本書，至於買玩具就……遲啲先啦，你話我係唔係好乖啊！

爺：乖，最乖，爺爺俾一百蚊你，一陣請同學仔食嘢，唔該佢比返本書你。

高：多謝，爺爺，我走啦。(離場)

D：哼。(跟著離場)

嫲：好彩搵到本書啫，如果唔係佢有排發脾氣就煩啦！

爺：都叫咗你唔好寵壞個孫嚟啦。

嫲：你冇份嘅。

M：(正在撥電話發短訊，正想離場)

嫲：Mary，你去邊吖？

M：你冇嘢叫我做，我諗住返房囉！

嫲：邊個話冇嘢吖，同我洗晒個廚房佢！

M：下？哦！(背向面露不忿)

嫲、爺：真係唔講唔做架嗰！

嫲：伯爺公，幾時都同你最啱 Key！

爺：伯爺婆，我都係咁話。L6 熄燈 S5(燈暗，音樂入，佈景轉換成學校大門，看見途人穿梭，正中間站着一個滿面憤怒的愛美麗，他正雙拳緊緊握着)

## (轉景:學校大門)

# 天使想回家

## 第二場 一遇困難 變成蟲

L7 開燈(音樂漸細，看見高從台左步入)

高：喂，愛美麗講真本書係唔係喺你呢度啫？(嬉皮笑臉)

愛：(大叫)高～菲！(菲掩耳停下)你係唔係有事呀？我咪係電話話咗俾你聽我係問你睇完本書未，叫你睇完借俾我睇，而唔係代表你已經借咗～比～我啊！

高：明、明、明，我諗住求其問下你有冇本書啫，如果有我咪唔駛搵囉！

愛：哼！我一心諗住你借咗本書，如果睇完就借俾我，咁我就唔使麻鬼煩走去圖書館借，咁咪可以善用資源囉！點不知你就以為係我度咁，即係你唔見咗本書啦，咁我同你傾落去都冇意思啦，係咁先無謂浪費大家時間。(正欲離開，高開始焦急起來，並開始扮哭)

高：今次死緊啦！嗚、嗚、嗚……。(此時D步入)

愛：(停下)喂，高飛，你幾多歲啊？郁啲就流馬尿。

D：唉！係你先信佢架咋，啲戲咁渣，如果唔係要完成任務，我實揭穿你。

高：我嫻嫻話如果我搵唔返本書，就唔俾我返屋企吖！嗚、嗚、嗚……。(不斷偷看愛的反應)

愛：下？咁慘！我有乜可以幫到你啊？(D向愛面上拍了一下手後像施了魔法，跟著搖頭站在側邊)

高：有吖！

愛：乜啲眼淚收得咁快嘅？

高：嗚、嗚、嗚…，你咪話過見過本書最後一面嘅？

愛：係呀，係班房囉，你唔係想依家入去拎吖？

高：咁你又話幫我？算勒，你由得我啦，我實無～家～可～歸～啦！

愛：(左望右望)好啦，呢個時候趁學校差唔多無人，我哋靜靜雞入去啦！(大聲地)

高：你真係肯幫我？

愛：喂，家下我哋要拎番啲屬於自己嘅嘢係好正常、同好恰當架，行啦！

高：係啲，真係好有道理啲！(跟着愛走進校園)

D：如果唔係因為要追書，我一定會教訓佢哋兩個，一個講大話，一個講理橫析曲。S6 L8

熄燈(尾隨二人跟着佈景轉換音樂人)

## (不搬景)

# 天使想回家

## 第三場 天一半地一半

**L9 開台左燈** (燈光漸亮，看見舞台轉換成課室，台中放著以枱檯砌成的班房，愛、高鬼鬼祟祟從台後步出)

愛：估唔到入夜之後，學校咁鬼靜。

高：你可唔可以唔好講鬼咩。

愛：唏，怕乜鬼啫，男仔之家，咁細膽！

高：講咁多做乜嘢，快啲搵下見唔見本書先。(在台四圍尋找，但找不到，此時聽到一聲咳嗽聲)

花：咳，唔(二人驚慌走到一旁，花及 D 一同入，D 一直站在花身旁，二人聲、動作同步)你哋……………！

愛：花嬾嬾，我哋其實想……………！

嬾、D：想搵呢本嘢咩。(遞上一本書，高見狀上前打開)

高：係啦，係呢本少年 Yi 的奇幻漂流，好嘢，搵返嘞！點解本書的一半架？

愛、D、花：一半？

D：點解會得一半架？喂，點解本書得返一半架？

花：喂，點解本書得返一半架？

高：花嬾嬾，我鬼知咩？本書你比我嘅？

花、D：你講乜嘢話？**L10 閃燈 S7**(恐怖音樂入)我咁辛苦用盡方法幫你搵本書，你而家將責任賴喺我身上？(D 一手從花手上搶去書，高、愛二人因看不見 D，眼中只看見書停在半空)

D：咦？原來係咁！(三人望實 D 走去那，他們就望向那，D 突然停下)Hi！(三人呆望，D 向左走，三人同往左走)Hi，你哋冇理由見到我架？Hi！(三人大叫，D 亦俾嚇了一跳，三人退到一旁)

愛：你……你……係，邊個咩？

花：天主咩，我知道我平時好少搵你傾計，但係我以後會多啲祈禱架嘞！(雙手合拾)

高：你～唔會～係……。(D 亂走，三人驚訝)

D：點解會咁架？今次弊啦，死啦，死梗嘞！比啲人類見到我，等等，唔好自亂陣腳，停！(三人停頓，D 左望右望像尋找甚麼)Hello？Hello？圖書館管理員，你喺唔喺度啊？冇人應即係件事未穿啦！唔好理咁多，完成任務先算。(將書拿去高手上)宇宙全息影象發動！**L11 閃燈+球燈 S8**(一下子重拍音樂入，全班同學從台左右步入跟著拍子跳動，慢慢地眾人彷彿回到過去，重演事件一次，眾停下)

張：喂，一陣放學去邊玩？



# 天使想回家

愛：不如一齊去公園玩「捉伊人」啊？

高：(邊睇書邊回應)「捉伊人」邊好玩架？不如返屋企打機好過啦。

莎：高菲，睇乜睇到咁入神呀？

高：諸事八卦莎利，關你乜事啫？

莎：咩啫？(一手捨去書)拎嚟睇吓啦，少年 Yi 的奇幻漂流？呢排好 hit 架啫。

愛：咦？呢本好嘢啫，我喺公共圖書館借極都借唔到咗，你喺邊度借架？

高：近山邊果間囉，俾返本書嚟！

莎：新開架？點解好似未見過嘅？

張：你真係好多事架，諗下一陣去邊玩好過啦？

愛：高菲，不如你睇完借俾我咗？

莎：愛美麗，唔該你知唔知乜嘢叫規舉，我開聲先架，你要睇就排第二囉！(遞上書)

愛：咩咗？你講咩咗？(伸手一扯，二人互執一角)我借先架！

莎：我借先架！(二人互不相讓)

高：你哋唔好爭啦，俾返本書我啦！

張：(冷淡地)其實有乜好爭呢？本書最後咪一樣要還，而且你哋要借都應該問圖書館啦，而唔係高菲咗，蠢人！(二人此時應聲倒下，書就此一分為二，二人錯愕)

愛：好嘢，一拍兩散！

莎：一人一半，好公平咗！哼！

愛：你睇下自己果半先啦！

莎：做咩咗？

愛：你果半係書尾嚟架！乜有人睇書，由尾睇起架咩？呵、呵、呵！

莎：咁又點知啫，唔得咩？乜有人睇書會睇頭唔睇尾架咩？呵、呵、呵！(拿着半本書離場)

愛：激死我喇！

高：請問我可唔可以講句嘢咗？

愛：乜咗？

高：本書其實係我借，請問可唔可以俾返我呢？

愛：好叻咩？俾返你咪俾返你囉！(將書拋向高轉身離場)

張：我估計第三次世界大戰嘅開始應該都係咁樣！

高：即係點？

張：人爭我爭囉，喂，唔好講咁多一陣放學去邊玩好呢？L12 閃燈+球燈 S9(D 看完一切，衝出台中，伸開雙手，音樂響起，眾人隨節奏重回復到之前一樣，台上的花、愛、高站在原位)

# 天使想回家

高：你～唔～會係……。

D：係，我就係你嘅～守護天使！

眾：守護天使？唔係化？

D：你哋唔信？好，我試俾你睇，停！（指著高）你睇吓佢唔郁得嘞！（高停下）

高：咪玩啦，你叫停真係會停咩？你呢招我夠識啦！停！郁！停！郁！（與愛配合着）

D：冇理由架？點解我啲法力會無晒嘅？ L13 閃（聲效入，管從台另一邊入，眾人停下）

管：理由係你身份暴露咗，你嘅法力會隨時間漸次失靈。

D：下？咁會唔會變番做人？

管：你唯一自救嘅方法，喺盡快搵返本書。

D：我呢度有一半，收住一半先得唔得呀？

管：你估我喺高利貸咩，收一半！快啲爭取時間啦。（轉身欲走）咩！唔記得話你知，本書一分為二，咁你知道會發生乜事啦！（管離場）

D：今次真係大件事喇！（蹲下哭，此時花、高、愛慢慢步近）

花：唔好理咁多嘢嘞，不如……。

眾：走為上著！（轉身離開，但D起身，並伸出手向着他們，眾人立時走不動）

D：你哋意為走就可以解決一切咩？你哋今次犯咗一個好嚴重嘅錯喇，你哋知唔知喺「天神圖書館」借書唔還係要懲罰架，仲要破壞公物就罪加一等。

高：最多咪賠囉！（面帶不屑）

D：你知唔知罰乜先？

愛：罰乜咁巴閉咩？

D：罰借書人要變成一隻雀仔，每日飛去冇還書嘅人身邊提佢還書，即至果啲人還到書為止！

愛：變雀仔幾得意㗎，我一定會變隻靚雀仔囉！

D：哼！最弊今次係唔同，因為本書一分為二，而且你都係破壞者，所以你都有份，今次唔會變雀仔，係會變成蚊滋仔！

三：蚊滋仔？

花：下？唔係用咬人吸血嚟提醒人還書啊？

高：咁咪有機會俾人打死，打死完又變番蚊滋仔，跟住又俾人打死，跟住又變成蚊滋仔……愛：我唔想變成蚊滋仔咩！ S10（此時傳來虎吼聲，眾人愕然）

高：乜嘢聲嚟架？

花：好似老虎叫聲。

愛：冇端端，學校點會有老虎㗎？

# 天使想回家

D：(緊張起來)高菲，你話我聽本書裏面係唔係有老虎吖？

高：好似……好似……係吖仲有猩猩、班馬……。

愛：你唔係話我聽佢走咗出嚟吖嘛？

D：總之我哋而家要做嘅係盡快搵返另一半書，因為本書一分為二裏面嘅人物就會偷走出來。你地知唔知莎利住喺邊？我哋要盡快捉番故事書裏面嘅人番去。

愛：我知，我帶你哋去！（轉身走，高跟着走，D亦跟著。花有些猶疑，D拖著花離場，燈暗，緊張音樂入）S11 followed by S12 L14 熄燈

(莎莉景)

# 天使想回家

## 第四場 少年 Yi 的奇幻漂流

(音樂漸細，燈漸亮，此時只看見 D 氣喘地從台右衝入)

L15 開燈 S12(跟著追，音樂變奏，此時看見莎坐在書桌前，撕著一頁一頁的書在摺紙飛機，門鈴聲入，莎走出，高衝入)

高：莎利，你……可唔可以……俾番本書我吓？

莎：高菲，你搵得我咁急就去為咗本書咋，本書咪喺嗰度囉！(指向枱，高伸手拿)

高：好彩搵得返啫！

莎：駛唔駛咁緊張啊？(將手中的紙飛機拋出)

高：講比你聽到唔信架嘞！咦？點解本書好似薄咗咁多嘅？(望見紙飛機)唔通……！

莎：唔駛唔通喇，冇錯，我無聊咪用佢嚟摺紙飛機囉，不過你放心我用咗幾張啫。

高：唔係吓，本書喺圖書館借架，點可以整爛架？

莎：唔整到整咗，最多咪賠？(高發現地上大量紙飛機)

高：你話用咗幾張，好似唔止囉！

莎：真係幾張咋，其他我係用自己借番返嚟嘅書架！

高：(搖頭)冇冇搞錯啊，你咁唔負責任架。

莎：嘩！你又好我好多咩？你咪又係借書唔還果隻！

高：你……你，等等，我想問你，你本書係唔係喺……。 S13 (此時一聲虎吼聲入)

莎：究竟發生乜事吓？(神情緊張)

高：唔好理咁多，你快啲執番啲紙飛機，我哋要盡快還番本書。

莎：我本都要？

高：係吓！ L16 熄燈 S13 followed by S14(二人飛快執拾，此時傳來一聲虎吼聲，跟着二人趕快離場，緊張音樂入，佈景轉換成圖書館，眾人四出躲避，班追花、愛追 Yi、D 追著腥、跟着着小紅帽追白雪公主、泰山追小飛俠、小王子追逐高、莎，最後眾人匯聚在圖書館，忽然老虎在眾人之中出現音樂停)

( Push back all the settings)

# 天使想回家

## 第五場 知錯能改

L17 開燈+球燈(一眾角色看見我老虎站在台中，其餘的分站兩邊)

D：大家都係到咁嘛？

愛：點解咁多人唔識嘅？

莎：乜嘢唔識啫，一望就知啦。

小：小紅帽。

飛：小飛俠。

王：小王子。

白：我係公主，仲要係好白果隻啦。

愛：白雪公主？

泰：哦～哦，我係泰山！

D：呢啲人物邊度走出嚟架？

莎：我果本童話故事集囉！

B：(從另一邊入)咪又係唔記得還書果隻囉！

眾：你邊位吖？

B：天使低低 B！

D：亞 B，你又係嚟追書吖？

B：係，不過冇諗過會咁惡劣！

虎：吼！你哋係唔係當我冇到先？哼！我就將你哋食晒落肚啦！

白：等等，其實我哋駛乜驚，泰山係森林之王吖嘛！（眾人推了泰出去）

泰：吖……吖，哦～哦～！

虎：你叫嚟做乜啊？

泰：我平時叫啲動物就會好乖咁坐低囉！

虎：你係咪傻架，我同你都唔係同一本書嘅！吼！（泰逃回人群）

飛：等我嚟對付你啦，等我飛上天先。(試飛不成功)

虎：(整理指甲中)

飛：點解唔得嘅？

D：因為你依家唔係啲童話世界。

花：咁而家點算啊？

王：不如咁老虎大哥，你食咗我啦，但係你要放過其他人啫！

虎：哼！我做乜要聽你講啊，我全部都要食，首先我想食……你！（指向莎）

# 天使想回家

莎：點解要我先吖？

虎：唔知喎，是旦揀囉！

莎：下？我唔好食架，你食佢啦，你睇佢肥屍大隻，好多肉，好好味！（一手將愛推向虎）

愛：莎利，做乜啊？我哋同學嚟架！

莎：係咩？我唔覺囉！

高：莎利，有冇搞錯吖，件事因我而起嘅，要食？食我先啦！（護著愛）

虎：邊個先都無所謂一樣啫！**L18 閃 S15**（一撲以上，高將手握的書舉高擋着，眾人停下，神聖音樂入，一個面容慈祥的天神出現，管跟著入，除了 B、D 可移動，其他人停頓）

天：哈、哈、哈！

B、D：天神，你好！

管：到最後呢個高飛都學識為自己做過嘅事負責任！

天：哈、哈、哈！

B：天神嘅意思係亞 D 嘅任務已經完成？

D：真嘅？

天：哈、哈、哈！**L19 黑燈**（天神手一拍，全台燈暗，眾故事人物不見，只剩下高、愛、花、莎）**L20 開燈**

管：（優閒地將書揭開，剛剛所看見的人物也回到書中，並合上它）得得 D，今次嘅任務總算完成嘞！

D：Yes！

天：哈、哈、哈！

D：下？都仲爭啲？

管：喂！對住天神唔好咁冇規矩！

花：原來呢位就係天神，唔知……可唔可以俾幾個願望來洗下呢？

天：哈、哈、哈！

花：即係乜吖？點解淨係識下‘哈’架咋？

B：天神嘅意思係你咁貪心，信唔信佢將你變成隻豬！

花：噢，Sorry，Sorry！

天：哈、哈、哈！

管：高菲，經過今次你明白咗，做每件事係要負責任嘅，希望你日後能夠好好咁做一個負責任嘅人！（菲點頭）

天：哈、哈、哈！

B：天神，我想……問我今次嘅任務當成功定失敗呢？

# 天使想回家

天：哈、哈、哈！(憤怒)

管：梗係失敗啦！莎利，估唔到你竟然會做出啲咁嘅事。我而家要罰你變成一隻～蚊！

L21 黑燈 S16(手一揮，特效入，眾人呆)

高：(細聲)真係會變蚊架，第時我都唔敢唔還書嘞！

天：哈、哈、哈！

D：我卒之完成我第一百萬個任務嘞，我可以返天堂啦！L22 閃 S17(聖詩音樂入，燈暗，音樂漸細，眾人離場，高慢慢步入至台中，手執一本書)L23 閃.>>>> 黑燈 S18

高：經過今次之後我唔敢做事，求求其其。

爺：唔使做咁足架，求求其……。(掩口)

高：我仲叫爺爺都唔好咁，至於做嫵嫵同 Mary 呢？

嫵：Mary，呢度點解咁污糟嘅，幫我抹過佢。

M：嫵嫵，對唔住我再抹過，我一陣會洗埋廁所，同幫你冲埋涼架嘞！

嫵：下？唔係化？(M 傻笑，音樂入)

高：愛美麗亦都改變咗好多，佢唔再理橫析曲，因為佢開始鍾意睇書。S19 (愛發現一隻蚊圍著她，她正想拍死蚊)唔好吖！

愛：(拍下)哎，好彩拍唔到。

眾：ByeBye! (離場，音樂停下，靜，跟着聽見蚊飛的聲音，莎利以蚊的造型出)

S20 (謝幕)

## 全劇完